



# ლელა ქელბაქიანი: „საკრებულოში კენჭს აღარ ვიყრი, აღარ შენეხს უნარი, კიდევ ერთხელ გავითავისო ავღანი აღაიანის პრობლემა“

ქუთაისელ ამომრჩევლებს ლელა ქელბაქიანი მხოლოდ წინასაარჩევნო პლაკატებიდან ახსოვთ

არჩევნების გზით ხელისუფლების შეცვლა დემოკრატიულობის უმაღლეს წერტილად ითვლება. მოსახლეობასაც ყოველი არჩევნების წინ სასურველი, დადებითი სიახლეების მოლოდინი აქვს. თუმცა ეს მოლოდინი, როგორც წესი, დაახლოებით 6 თვეში აბსოლუტურად იცვლება ხოლმე და იწყება ახალ ხელისუფლებაზე იმედგაცრუებული ხალხის წუწუნი, რომელთაც მომავალ არჩევნებამდე არაფრის შეცვლა არ შეუძლიათ.

ამჯერად ჩვენი ქვეყანა და ხალხი კიდევ ერთი მნიშვნელოვანი ეტაპისათვის, ადგილობრივი თვითმმართველობის არჩევნებისთვის ემზადება.

ჩვენ გადავწყვიტეთ, გავგერკვია, თუ როგორი დამოკიდებულება არსებობს ქვეყნის თვითმმართველ ქალაქში, ქუთაისში, მოახლოებული არჩევნების მიმართ და რითი დაამახსოვრეს თავი ხალხს ამ დროისათვის წარმოდგენილმა საკრებულოს მაჟორიტარმა დეპუტატებმა, რომლებიც 2014 წლის თვითმმართველობის არჩევნებზე მოსახლეობის რჩეული კანდიდატები გახდნენ. ქუთაისის საკრებულოში ამ დროისთვის 10 მაჟორიტარი დეპუტატი საქმიანობს. ჩვენ ახალი რუბრიკით „შენი ხმა საკრებულოში“, თითოეულ მათგანზე პერიოდულად მოგაწვდით მათი საქმიანობის „ჟურნალისტური მონიტორინგის“ შედეგებს.

პირველი სტატიის დაწერა იმ დეპუტატზე გადავწყვიტეთ, რომელიც ქუთაისის ერთ-ერთი ყველაზე დიდი დასახლების ხმას წარმოადგენს საკრებულოში და რომელსაც ასევე ძალიან მნიშვნელოვანი პოზიცია უკავია თვითმმართველობის ორგანოში. ეს გახლავთ კახიანურისა და მუხრანის დასახლების მაჟორიტარი დეპუტატი **ლელა ქელბაქიანი**.

**ინფორმაცია ავტობიოგრაფიიდან:**  
 დაბადების თარიღი: 23.12. 1970;

განათლება - უმაღლესი (ქიმიის დოქტორი, ბიზნესის ადმინისტრირების მაგისტრი).  
 ოჯახი: ჰყავს 18 წლის ვაჟი, დავით გაბელაშვილი.

\*\*\*  
 ლელა ქელბაქიანი 2014 წლის ადგილობრივი თვითმმართველობის არჩევნებში კოალიცია "ქართული ოცნება - თავისუფალი დემოკრატები"-ს სახელით იყარა კენჭი. გამარჯვებიდან სამ თვეში ის კოალიციას გამოეყო და უპარტიო მაჟორიტარი გახდა. ის ასევე არის საფინანსო-საბიუჯეტო კომიტეტის ხელმძღვანელი. აღნიშნული კომიტეტი მონაწილეობს თვითმმართველობის ბიუჯეტის ფორმირებაში და აკონტროლებს ხარჯებს.

სანამ უშუალოდ ლელა ქელბაქიანს გავესაუბრებოდი, ქუთაისის გამოკითხვა ჩავატარე მის სამაჟორიტარო დასახლებაში. არჩევნების გაგონებაზე ბევრმა რესპონდენტმა საერთოდ არ მოისურვა ჩვენთან გასაუბრება. პირადი პრობლემებით დამძიმებულ მოსახლეობას უჭირს ზოგად საჭიროებებზე ორიენტირება. ეს კარგად ჩანს მათთან საუბრისას.

გაგრძელება მე-3 გვერდზე

# შვიდი თვითმმართველი ქალაქის გაუქმება - რეფორმა თუ ანტირეფორმა?

საქართველოს პარლამენტმა 2017 წლის 15 ივნისს მიიღო დადგენილება, რომლის თანახმადაც შვიდ თვითმმართველ ქალაქს სტატუსი ჩამოერთვა და იგივე დასახლებების მუნიციპალიტეტის ფარგლებში გაერთიანდა. შედეგად შვიდი თვითმმართველი ქალაქის ნაცვლად შვიდი მუნიციპალიტეტის ადმინისტრაციული ცენტრი მივიღეთ. მაგალითად, თუ მანამდე იყო ქალაქი თელავი და თელავის მუნიციპალიტეტი, 2017 წლის ადგილობრივი თვითმმართველობის არჩევნების შემდეგ გვექნება მხოლოდ თელავის მუნიციპალიტეტი. სულ ასეთი თვითმმართველი ქალაქი, რომელიც გაუქმდა და შეუერთდა იგივე დასახლებების სათემო მუნიციპალიტეტს, შვიდი - გორი, ამბროლაური, მცხეთა, ოზურგეთი, თელავი, ახალციხე და ზუგდიდი.



უნდა აღინიშნოს, რომ ამ შვიდ ქალაქს თვითმმართველი ქალაქის სტატუსი ისევ „ქართული ოცნების“ ხელისუფლებამ მიანიჭა 2014 წელს, „ადგილობრივი თვითმმართველობის კოდექსით“ და 2017 წელს ისევ „ქართული ოცნების“ ხელისუფლებამ წაართვა. მაშინ ამ ქალაქებისათვის თვითმმართველი ქალაქის სტატუსის მინიჭება წინადადებულ ნაბიჯად ჩაითვა. რეფორმის პირველ ეტაპზე თვითმმართველი ქალაქების რაოდენობის გაზრდა და მერების/გამგებლების პირდაპირი წესით არჩევა ერთმნიშვნელოვნად დადგენილია შეფასებს როგორც ევროსაბჭომ, ისე სხვა საერთაშორისო ორგანიზაციებმა.

თუმცა, დღეს ხელისუფლება უკვე სხვაგვარად ფიქრობს და ამ ქალაქების ცალკე თვითმმართველ ერთეულად არსებობა აღარ მიაჩნია მიზანშეწონილად. როგორც ხელისუფლების წარმომადგენლები ხაზს უსვამდნენ კომენტარებში, თვითმმართველი ერთეული არ უქმდება, უბრალოდ განსხვავდება მხოლოდ შემდეგში - თვითმმართველ ქალაქებში ირჩევენ მერებს, სათემო მუნიციპალიტეტებში კი გამგებლებს.

„აქ ლაპარაკია იმაზე, თუ მოხდება გამსხვილება, ანუ დაბრუნება ძველი საზღვრების, მაშინ ეს სათემო მუნიციპალიტეტები იქნება და, ცხადია, იქ არჩეული იქნება გამგებლები“ - აცხადებს საპარლამენტო უმრავლესობის წევრი ვია ჟორჯოლიანი. თუმცა, ხელისუფლების ამ გადაწყვეტილებას ასე მარტივად არ შეხედეს და შეეწინააღმდეგენ არასამთავრობო ორგანიზაციები.

როდესაც დაიწყო მსჯელობა შვიდი ქალაქისათვის სტატუსის ჩამორთმევაზე, არასამთავრობო სექტორმა გააფრცვლა განცხადება, სადაც ხელისუფლების ეს ნაბიჯი ერთმნიშვნელოვნად შეაფასა, როგორც რეფორმის დეკლარირებული პრინციპებიდან გადახვევა.

„თვითმმართველი ქალაქების განვითარება - ეს არის თანამედროვე სამართლებრივი ეკონომიკური განვითარების ძირითადი ტენდენცია. საქართველოსთვის თვითმმართველი ქალაქების ჩამოყალიბების ხელშეწყობა კი, არა მარტო სახელმწიფოს ურბანული, სოციალური და ეკონომიკური განვითარების მნიშვნელოვანი წინაპირობაა, არამედ ერთ-ერთი აუცილებელი შემადგენელია ქვეყნის მართვის ევროპულ მოდელზე გადასასვლელად. ამავდროულად, თვითმმართველი ქალაქების გაუქმება და მათი კვლავ სათემო მუნიციპალიტეტებთან გაერთიანება შეაფერხებს როგორც ქალაქის, ისე სოფლის განვითარებასაც. გარდა ამისა, ქალაქი, რომელსაც არ ჰყავს მოსახლეობის მიერ არჩეული და მის წინაშე ანგარიშვალდებული ადგილობრივი ხელისუფლება, არ აქვს საკუთარი შემოსავლები, ქონება და ბიუჯეტი, კარგავს განვითარების სამომავლო პერსპექტივებსაც“ - ნათქვამია 120 ორგანიზაციის სახელით გავრცელებულ განცხადებაში.

როგორც რადიო „თავისუფლებასთან“

საუბარში ადგილობრივი დემოკრატიის ქსელის თავმჯდომარე დავით ლოსაბერიძე ეჭვობს, „შესაძლოა ხელისუფლების მიერ დასახლებული მიზნის - ხარჯების შემცირების ნაცვლად, არსებული პრაქტიკით, ადმინისტრაციულმა ხარჯებმა მოიმატოს. შვიდი თვითმმართველი ქალაქის გაუქმებას ანტირეფორმად მიიჩნევს „სამოქალაქო კულტურის საერთაშორისო ცენტრის“ ხელმძღვანელი, კოტე კანდელაკი. მისთვის თვითმმართველობების გამსხვილების გამართლება ხარჯების დაზოგვით გაუგებარია:

„ზოგადად, დემოკრატიული ინსტიტუტები ძვირი სიამოვნებაა და თანხების დაზოგვა ამ მიმართულებით არ არის გამართლებული. არც ის დეკლარირებული რაოდენობა, რომელსაც მთავრობა ასახელებს, არ იზოგება ამდენი. ძალიან მიზერული თანხები შეიძლება „დაიზოგოს“, მაგრამ ამ დაზოგილ თანხებს შეიძლება ბევრი გამოუსწორებელი შედეგი მოჰყვეს - ვთქვათ, დემოკრატიის ხარისხის გაუარესება, იგივე სერვისების მიწოდების ხარისხის გაუარესება და ასე შემდეგ.“

როგორც არასამთავრობო სექტორის წარმომადგენლები ამბობენ, მუნიციპალიტეტების გაერთიანება ყოველთვის იწვევს ხოლმე გადაწყვეტას, ასე ვთქვათ, მუნიციპალური ბიუჯეტისა ქალაქის მხარეს, იმიტომ რომ ქალაქში მეტი მოსახლეობა ცხოვრობს, მეტ სერვისს იღებს

სახელმწიფოსგან და ამიტომ მუნიციპალიტეტის ხელმძღვანელი ყოველთვის ცდილობს ხოლმე მეტად კმაყოფილი ჰყავდეს დიდი ქალაქის მოსახლეობა და ამ შემთხვევაში სოფლები ყურადღების გარეშე რჩებიან ხოლმე. თავის დროზე, ძალიან კარგი რამ გაკეთდა გაყოფით, იმიტომ რომ მეტი ყურადღება მიექცა სოფლებს, მეტი ინფრასტრუქტურული პროექტების განხორციელება დაიწყო სოფლებში - ბაღები, სახელმწიფოს მიერ მიწოდებული სერვისები, რომლებიც სოფლებისთვის აქამდე ხელმიუწვდომელი იყო. ამიტომ არასამთავრობო სექტორის ექსპერტები ფიქრობენ, რომ შვიდი თვითმმართველი ქალაქის და სათემო მუნიციპალიტეტების გაერთიანება, ძალიან დაზარალებს მოსახლეობას.

გოგია პაატაშვილი

**PS news.ge**  
 ISSN 1787-7056  
  
 9 771987 705004

### ივნიის წინასაარჩევნო კამპანიის ძრონიკა



შემოდგომაზე საქართველოში ადგილობრივი თვითმმართველობის არჩევნებია დაგეგმილი და წინასაარჩევნო კამპანია ქუთაისში მცირე დროით უკვე იგრძნობა. სწორედ ამ ფაქტების ტაგმომყრას ვახდენთ ამ რუბრიკაში.



იმერეთის ვიცე-გუბერნატორმა, გიორგი ჭილაძემ "ქართული ოცნების" ცენტრალურ ოფისში ქუთაისის საკრებულოს დეპუტატობის კანდიდატების სია გადააგზავნა, რომელშიც მოქმედი წევრები და ახალი სახეებიც, საზოგადოების სხვადასხვა სფეროს წარმომადგენლები არიან. მალევე კულუარებიდან გამოვლინდნენ ინფორმაციამ, რომ ეს სია ცენტრალურმა ოფისმა დაიწუნა. "საბოლოო გადაწყვეტილება ცენტრალურმა ოფისმა უნდა მიიღოს. ვისაც გადაწყვეტს, მას დავუჭერთ მხარს. ყველაფერი არის განხილვის რეჟიმში. ისინი შეისწავლიან პიროვნებებს ვინ უფრო რესურსიანი, ვინ უფრო შედეგიანი იქნება, პარტიის წევრობა, გვერდით დგომა. ისეთი ადამიანი, ვისაც ქალაქში ცნობადობა აქვს. ეგეთი ადამიანები არიან ამ სიაში და კიდევ გამოჩნდებიან სხვა სახეებიც", - ამბობს გიორგი ჭილაძე.



წინასაარჩევნო სამზადისი "ვერობული საქართველოს" ქუთაისის ორგანიზაციაშიც უკვე იგრძნობა. მათ ქუთაისის მერობისა და მაჟორიტარი დეპუტატობის კანდიდატების შერჩევა უკვე დაწყებული აქვთ. ჯერჯერობით პარტიის ადგილობრივ ორგანიზაციაში მერობის კანდიდატად ვინა თევდორაძისა და კოტე რატიანის კანდიდატები მოიაზრებიან. თავად კოტე რატიანი და ვინა თევდორაძე ამ შიდა განხილვებს არ უარყოფენ, თუმცა იმასაც ფიქრობენ, რომ შესაძლოა, ქუთაისის მერობის კანდიდატად მათზე უფრო ცნობადი და სოლიდური ფიგურა ვიხილოთ, ახალი ხედვით, ახალი ენერჯით.



"ნაციონალური მოძრაობის" ქუთაისის საქალაქო ორგანიზაციას კი ქალაქის მერობის კანდიდატად ხატია დეკანოიძის წარდგენის სურვილი აქვს და ამჟამად მასთან აწარმოებს კონსულტაციებს. თუმცა ნაციონალურ ადგილობრივ ორგანიზაციაში იმასაც ადასტურებენ, რომ დეკანოიძესთან ერთად, ქუთაისის მერობის კანდიდატობაზე კონსულტაციები რამდენიმე სხვა პირთანაც მიმდინარეობს, რომელთა შორის ადგილობრივი კადრებიც არიან. თუმცა, როგორც ჩანს, საბოლოო გადაწყვეტილების მიღებას გუნდი ჯერ არ ჩქარობს.

# ბრალდება და შეთანხმებები - რა პროცესები მიმდინარეობს „ჯორჯიან მანგანეზის“ ირგვლივ?

11 მაისს, გარემოსა და ბუნებრივი რესურსების დაცვის სამინისტრომ, როგორც ლიცენზიისა და ნებართვისგამცემმა ადმინისტრაციულმა ორგანომ, სასამართლოს თანხმობის შემდეგ შპს „ჯორჯიან მანგანეზი“ სპეციალური მმართველი დანიშნა. კომპანიაში მიღებული გადაწყვეტილება გააპროტესტეს და ხელისუფლება კერძო საკუთრების ექსპროპრიაციის მცდელობაში დაადანაშაულეს.

„ჯორჯიან მანგანეზი“ საქართველოს გარემოსა და ბუნებრივი რესურსების დაცვის სამინისტროში ჩატარებული აუქციონის შედეგად, 2006 წლის 11 ნოემბერს, ჭიათურის მანგანუმის საბადოზე სასარგებლო წიაღისეულის მოპოვების უფლებასთან ერთად, სს „ჭიათურმანგანუმის“ აქტივებიც გაიყიდა. აუქციონში ვაჭრობის ერთადერთმა მონაწილემ – Georgan Manganese Holding Limited-მა გაიმარჯვა. კომპანიის 100% წილის მფლობელი ამერიკელი „ჯორჯიან ამერიკენ ელოიზია“ (GAA), რომელიც საკუთარი წარმოების ფეროშენადნობებით ამარაგებს ფოლადისმწარმოებელ კომპანიებს ამერიკის შეერთებულ შტატებში. მიუხედავად იმისა, რომ „ჯორჯიან მანგანეზი“ ოფიციალურად ამერიკული „ამერიკენ ელოიზის“ კუთვნილებაა, არსებობს ვარაუდი, რომ მის უკან უკრაინული ფული დგას, რომელიც საქართველოში „ტაოპრიატაბანკის“ მფლობელი იყო. „ჯორჯიან მანგანეზი“ წარმოებული პროდუქცია საქართველოს ექსპორტის მნიშვნელოვან წილს შეადგენს (დაახლოებით 20%). პოლიტიკის შემადგენლობაში შედის ზესტაფონის ფეროშენადნობი ქარხანაც. ასე რომ, დღეს საქართველოს ორი უმსხვილესი საწარმოს მფლობელი „ჯორჯიან მანგანეზია“. კომპანიას 5 500-მდე ადამიანი ჰყავს დასაქმებული.

მიუხედავად იმისა, რომ ამ კომპანიას ქვეყნის ეკონომიკაში მნიშვნელოვანი წვლილი შეაქვს, საქართველოს მთავრობის მხრიდან მის მიმართ პრეტენზიები ხშირად გაისმის. ეს პრეტენზიები, ძირითადად, გარემოსდაცვითი სახეობისა და ეკოლოგიური პრობლემების შექმნას უკავშირდება, რისთვისაც კომპანია მილიონობით ლარითაა დაჯარიმებული. დაუდასტურებელი ინფორმაციით კი, პრეტენზიები მხოლოდ საბაბია, რაც ჭიათურის მანგანუმის მაღაროებისა და ზესტაფონის ფეროშენადნობთა ქარხნის დაუფლების მიზანშეწონილია.

**საკანონმდებლო მმართველი**  
თუმცა, ჭიათურაში ეკოლოგიის კუთხით რომ არცთუ სახარბილო ვითარებაა, ესეც ცხადია. ქალაქში შექმნილი მძიმე ეკოლოგიური მდგომარეობაზე ფაქტ-მეტრი ადრეც წერდა. ბოლო წლებში გარემოსდაცვითი კანონმდებლობის დარღვევის ფაქტებისა და გარემოზე მიყენებული ზიანის ოდენობით, გარემოს ეროვნულ სააგენტოს მონაცემებით, ჭიათურის წილი მნიშვნელოვანია. მაგალითად, 2014 წელს საქართველოს მასშტაბით გარემოსდაცვითი მიყენებული ზიანის 89% მხოლოდ ჭიათურაზე მოდიოდა. „ჯორჯიან მანგანეზს“ კი, ბოლო წლებში ჯარიმის სახით 160 მილიონამდე დოლარის გადახდა დაეკისრა. როგორც გარემოსა და ბუნებრივი რესურსების დაცვის სამინისტროს ოფიციალურ ვებგვერდზე გამოქვეყნებული ინფორმაციით ირკვევა, კომპანიაში სპეციალური მმართველის დანიშვნის ძირითადი მიზეზი სწორედ ეს გახდა. „კომპანია, რომელიც



წლებია ფლობს მანგანუმის მადნის მოპოვების ლიცენზიას და ახორციელებს მანგანუმისგამდირებებისა და გადამამუშავების საქმიანობას, მიუხედავად სახელმწიფოს მხრიდან არაერთი დაჯარიმებისა და ადგილზე მძიმე ეკოლოგიური მდგომარეობის გამოსწორების მიზნით გონივრული ვადების განსაზღვრისა, კვლავად რქმელებდა საქმიანობას გარემოსდაცვითი კანონმდებლობის მძიმე დარღვევით, - ნათქვამია სამინისტროს განცხადებაში. სპეციალური მმართველის დანიშვნით სახელმწიფომ პრობლემის გამოსწორების პასუხისმგებლობა საკუთარ თავზე აიღო. ახალმა მმართველმა, ნიკოლოზ ჩიქოვანმა, ჭიათურასა და ზესტაფონში არსებული მძიმე ეკოლოგიური მდგომარეობის ეტაპობრივად გამოსწორების გეგმა/გრაფიკი უნდა შეიმუშაოს და პრობლემის აღმოფხვრას შეეცადოს. ამასთან, გარემოს დაცვის სამინისტრომ კომპანიას არ შეუჩერა საქმიანობის ნებართვა და ლიცენზია, რაც მასწარმოების ვაგრძელების საშუალებას აძლევს.

**კომპანიის არაშეწყობილობა**  
სხვაგვარად ფიქრობდნენ თავად კომპანიაში. მათთვის მიუღებელი იყო სპეციალური მმართველის დანიშვნა, რაც, მათი აზრით, სახელმწიფოს მხრიდან კომპანიის საქმიანობაში მიზანმიმართულ ჩარევას და კერძო საკუთრების ძალადობრივი მეთოდით ჩამორთმევის მცდელობაზე მიუთითებს. სასამართლოს გადაწყვეტილების გამოცხადების შემდეგ „ჯორჯიან მანგანეზმა“ განცხადება გაავრცელა, სადაც სახელმწიფო არამართლზომიერ და უკანონო ქმედებებში დაადანაშაულა. კომპანია მიიჩნევდა, რომ საქართველოს გარემოს დაცვის სამინისტრომ მოიპოვა სასამართლოს ცალმხრივი ბრძანება, რომლითაც უნებლად ჩაერთო კერძო საკუთრების უფლებებში, გაათავისუფლა მფლობელების დანიშნული დირექტორი და მის ნაცვლად მთავრობის მიერ შერჩეული სპეციალური მმართველი დანიშნა, რომელიც განუსაზღვრელი უფლებამოსილებით აღჭურვა, რაც, ფაქტობრივად, სამეთვალყურეო საბჭოს უფლებით სარგებლობას ნიშნავს. ასევე, კომპანიის განცხადებით, ამ გადაწყვეტილებით ხელისუფლებამ

კომპანია ჩააბარა ღირეპეტორს, რომელიც კავშირშია კომპანიის საკუთრების უმნიშვნელო წილის, 4%-ის მფლობელებთან. „ჯორჯიან მანგანეზი“ ასევე უსამართლოდ თვლის მისთვის 82 მილიონ დოლარზე მეტი ოდენობის გადასახადების, ჯარიმებისა და საურავების დაკისრებას, რადგან, კომპანიის პოზიციით, დაკისრებული ვალდებულება საქართველოს კანონმდებლობას, საერთაშორისო სამართალს, საერთაშორისო ფინანსური აღრიცხვის პრინციპებს და საწარმოო სტანდარტების პრაქტიკას ეწინააღმდეგება. როგორც კომპანიაში განაცხადეს, ორმა ავტორიტეტულმა საერთაშორისო აუდიტორულმა კომპანიამ ვერ აღმოაჩინა საფუძველი, რისთვის შეიძლება „ჯორჯიან მანგანეზს“ ასეთი დიდი ოდენობის ჯარიმები დაკისრებოდა. კომპანიაში სამართლებრივ დევნად შეაფასეს დაკისრებული 160 მილიონი დოლარის ოდენობის ჯარიმა გარემოსდაცვის რეგულაციების დარღვევისთვის და აღნიშნეს, რომ ქვეყანამ ბოროტად გამოიყენა კომპანიის მიმართ ეს რეგულაციები. გარდა ამისა, კომპანიის განცხადებით, საქართველოს მთავრობა რამდენიმე წლის განმავლობაში განხრახ ბლოკავდა კომპანიის მიერ ინციდენტულ საინვესტიციო პროექტს, რომელიც 25 მილიონი აშშ დოლარის ინვესტიციას გულისხმობდა ჭიათურაში გამამდირებელი ფაბრიკის მშენებლობისათვის. მთავრობას ერჩივნა გარემოსდაცვითი დარღვევები გამოეყენებინა შემდგომ უსამართლო ჯარიმების დასაკისრებლად. საქართველოში GAA-ს საზოგადოებასთან ურთიერთობის სამსახურის უფროსის, ზაქარია ზალიკაშვილის თანხლებით, რატომ მიიღო სახელმწიფომ ჭიათურაში ეკოლოგიური პრობლემის აღმოფხვრის მოტივით მსგავსი გადაწყვეტილება და კომპანიის მფლობელებს ამ მიზეზით რატომ შეუჩერა სხვა უფლებამოსილებები. მისი აზრით, სახელმწიფოს მიერ განხორციელებული ქმედებები ეჭვს იწვევს დანიშნული სპეციალური მმართველიც. „იგი 2006 წლამდე ზესტაფონის ფეროშენადნობი ქარხნის ხელმძღვანელი იყო, არ ფლობს ეკოლოგიურ საკითხებს და

არ გააჩნია მისი გადაწყვეტის უნარები. ეს ადამიანი დაკავშირებული არის GAA-ს მცირე აქციონერთა ჯგუფთან და დღეს მოველინა სპეციალური მმართველად ისევე „ჯორჯიან მანგანეზს“, ოღონდ არარაგორც ჭიათურაში ეკოლოგიური პრობლემების გადასაწყვეტად, არამედ ამ კომპანიის სპეციალური მმართველად, რომელშიც შედის ზესტაფონის ფეროშენადნობთა ქარხანაც“, - განაცხადა ზალიკაშვილმა. ზალიკაშვილმა ასევე აღნიშნა, რომ სახელმწიფომ არ მისცა კომპანიის საშუალება პრობლემების იმ გონივრულად აღმოსაფხვრელად, რაც თვითონ დაუწესა.

**შეთანხმება**  
გავრცელებული ურთიერთბრალდებების შემდეგ, სპეციალური მმართველის წარდგენილი სამწლიანი გეგმის განხილვებზე და მოსალაპარაკებლად კომპანიის წარმომადგენლები გარემოსა და ბუნებრივი რესურსების დაცვის სამინისტროს მოადგილის, მაია ბითაძის განცხადებით, წარმოდგენილი სამწლიანი გეგმა უზრუნველყოფს (ადგილზე სალიცენზიო სანებართვო პირობების შესრულების პარალელურად) მძიმე ეკოლოგიური მდგომარეობის ეტაპობრივად აღმოფხვრას. „ჯორჯიან ამერიკენ ელოიზის“ აქციონერმა უელიელ ლაბირმა დაადასტურა, რომ წარდგენილი გეგმის განხორციელების შემდეგ მხარეებს შორის უკმაყოფილება აღმოიფხვრება. საზოგადოებისთვის უცნობია, რა გახდა ასე მოკლე დროში სიტუაციის რადიკალურად შემობრუნების საბაბი. მხარეები მოლაპარაკების შედეგზე არ საუბრობენ. პრესკონფერენციაზე მხოლოდ სამწლიან გეგმასა და მიღწეულ შეთანხმებაზე გაკეთდა აქცენტი. ფაქტ-მეტრი თვალს მიადევნებს „ჯორჯიან მანგანეზთან“ დაკავშირებულ მოვლენებს და ამ თემას კვლავ დაუბრუნდება.

იხილეთ ბახუტაშვილი factcheck.ge



შენი ხმა საკრებულოში

ლელა ქელბაქიანი:

„საკრებულოში კენჭს აღარ ვიყრი, აღარ შეხეხვს უნარი, კიდევ ერთხელ გავითავისო აქვანი აღაიანის პრობლემა“

ქუთაისელ ამომრჩევლებს ლელა ქელბაქიანი მხოლოდ წინასაარჩევნო პლაკატებიდან ახსოვთ

პირველი გვერდიდან

„რწმენადაკარგულები ვართ“, „საქმით დაგვამახსოვროს თავი“, მხოლოდ არჩევნებზე ვახსენდებით“, „არაფერი გაუქვითებიათ“, - ძირითადად მსგავსი შინაარსის ფრაზები მოვისმინეთ იმ ადამიანებისგან, რომლებიც 3 წლის უკან დიდ იმედებს ამყარებდნენ არსებულ ხელისუფლებაზე.

განცხადება ძველი ინტერვიუდან, რომელიც ლელა ქელბაქიანმა 2014 წელს, უკვე საკრებულოს დეპუტატმა გააკეთა:

„რამდენად მიცნობენ, ამომრჩევლებს უნდა ჰკითხოთ. ყველაზე მთავარი, რაც დაამახსოვრდებათ- მაჟორიტარი, რომელიც ყოველთვის მათ გვერდით იდგა და მაქსიმალურად ცდილობდა ამომრჩევლების ინტერესების დაცვას“.

\*\*\*

2017 წლის ივნისის დასაწყისში ჩვენ დაახლოებით 50 ამომრჩევლებს ვკითხეთ, თუ იცოდნენ, მისი დეპუტატი ვინ იყო საკრებულოში და 99%-მა ვერ დაგვისახელა, ვინ იყო მათი მაჟორიტარი დეპუტატი ქუთაისის საკრებულოში. ერთმა ქალბატონმა კი ლელა ქელბაქიანი მხოლოდ წინასაარჩევნო პლაკატებიდან გაიხსენა.

თვითონ ლელა ქელბაქიანმა

გვითხრა, რომ ის არჩევნებამდეც და არჩევნების მერეც ბევრჯერ შეხვედრია ამომრჩევლებს და თუკი გამოკითხული ადამიანები გარეთ არ გამოდიან, ეს მისი ბრალი არაა და სახლში ვერავის შეუვარდება. მისივე თქმით, „შეხვედრებზე არასდროს შეინიშნება მოსახლეობის მაღალი აქტიურობა.“

მოსახლეობამ ასევე ვერ დაგვისახელა წინასაარჩევნო დაპირებები. ხოლო კითხვაზე, კვლავ აირჩევენ თუ არა იგივე დეპუტატს, ყველამ უარყოფითი პასუხი გაგვცა! ლელა ქელბაქიანმა ჩვენთან საუბარში განაცხადა, რომ მას არანაირი კონკრეტული დაპირება წინასაარჩევნოდ არ მიუცია მოსახლეობისთვის, რადგან არც ის იცოდა, გაიმარჯვებდა თუ ვერა ან გამარჯვების შემთხვევაში, რა შესაძლებლობები ჰქონდა მაჟორიტარს. „ჩემი ერთადერთი დაპირება იყო ის, რომ ჩემი ამომრჩევლისთვის



ლელა ქელბაქიანი

ნებისმიერ დროს ვიქნებოდი ხელმისაწვდომი, მათთან კონტაქტი მექნებოდა ნებისმიერი საშუალებით და მე ეს შევასრულე“ - აცხადებს ქუთაისის კახიანაურისა და მუხრანის დასახლების მაჟორიტარი დეპუტატი ლელა ქელბაქიანი. მისივე თქმით, ისეთ ზოგად პრობლემებს, როგორცაა ინფრასტრუქტურული პროექტების მოთხოვნები და საბინაო მეურნეობის საკითხების მოწესრიგება, დანიშნის პირველივე დღიდან აწესრიგებს. განსაკუთრებული პრობლემები კი მის უბანზე არ დაფიქსირებულა. ბევრ თხოვნას კი ყოველგვარი ოფიციალური მიმოწერის გარეშე უვარებს მოსახლეობას, რადგან არ უყვარს ბარიერების შექმნა.

გამოკითხულმა რესპონდენტებმა კი შემდეგი პრობლემები დაგვისახელეს: რკინიგზის მიმდებარე ტერიტორიის გაკრეჭა, დასუფთავება (ამ გზას კახიანაურის მოსახლეობა საფეხმავლოდ იყენებს); მაწანწალა ძაღლების სიმრავლე მათ უბანში; დასახლებულ უბნებში სიჩქარის შემზღვევადი ბარიერების დაგება (ე.წ. "ბუფორები"); ურნების დამა-

ტება; ლელა ქელბაქიანი ამბობს, რომ რკინიგზის ტერიტორიის დასუფთავების უფლება მათ არ აქვთ. თხოვნით კი უკვე მიმართეს რკინიგზის სამსახურს. მაწანწალა ძაღლები აცრილები არიან და საფრთხეს არ წარმოადგენენ, დახოცვა კი აკრძალულია. სიჩქარის შემზღვევადი ბარიერები, მისი ინფორმაციით, რამდენიმე ადგილას უკვე დაიგო. ურნებიც საკმაოდ მრავლად ჩაიდგა. როგორც ჩანს, თვითონ მოსახლეობა ინდიფერენტული და ხელისუფლების შრომას ვერ აფასებს. ლელა ქელბაქიანმა საფინანსო-საბიუჯეტო კომიტეტის საქმიანობა მოკლედ განვიხილეთ და დასძინა, რომ საკმაოდ კარგად თანამშრომლობენ აღმასრულებელ ხელისუფლებასთან.

ამონარიდი ძველი ინტერვიუდან: აღმასრულებელ ხელისუფლებასთან თანამშრომლობაზე ჩვენც და მკითხველსაც ალბათ ის ცნობილი ბრიფინგი გაახსენდა, რომელიც გასულ წელს პარტია „თავისუფ-

ფალი საქართველოს“ იმერეთის ორგანიზაციის თავმჯდომარემ გოგი წულიამ გამართა და განაცხადა: „ქუთაისის საკრებულოს წევრი ლელა ქელბაქიანი ბიზნესით არის დაკავებული, ამავდროულად საკრებულოში იღებს ხელფასს. მაშინ, როდესაც ნახევარზე მეტიადამიანებისა შიმშილობს, როდესაც არ აქვთ შემოსავალი და ელემენტარული საარსებო, ამის ფონზე საკრებულოს დეპუტატი, რომელიც ასევე ბიზნესით არის დაკავებული, იღებს ყოველთვიურად 1360 ლარს (მას ერთსაბუთო 1700 ლარი, თუმცა ხდება თანხის ნაწილს დაქვითვა). გამოდის, რომ ქუთაისის საკრებულო ბიზნესმენს ფულს უხდის. მსგავსი პროცესი არის ქვეყნის და მოქალაქეების დაცინვა. მოუფლოებენ მერს და საკრებულოს თავმჯდომარეს, შეწყვიტონ ბიზნესმენებზე ხელფასის გაცემა“. ამ ბრიფინგის შემდეგ ჟურნალისტები ცდილობდნენ ლელა ქელბაქიანთან დაკავშირებას, მაგრამ იგი ქვეყანაში არ იმყოფებოდა და არც მერე გაუქვითებია რაიმე კომენტარი.

\*\*\*

ჩვენთან საუბრის დასასრულს ლელა ქელბაქიანს განვლილი პერიოდის შეფასება ვთხოვეთ და პოლიტიკასთან დაკავშირებულ სამომავლო გეგმებზეც ვკითხეთ. „დეპუტატის სტატუსი ჩემთვის ძალიან დიდი პასუხისმგებლობა იყო. შეუძლებელია ყველა ადამიანის პრობლემა 3-4 წელიწადში მოავარო. 2014 წელს პირველად გავიცანი მოსახლეობა. მანამდე წარმოდგენაც კი არ მქონდა, თუ ქვეყანაში ამდენი საარსებო მინიმუმი ქვემოთ მყოფი ოჯახი და პრობლემა არსებობდა. კმაყოფილი ვერ ვიქნები, როცა ვიცი, რომ ეს ხალხი და პრობლემები ისევ არსებობს.“

„მომავალ არჩევნებში არ მივიღებ მონაწილეობას, უკვე გადაწყვეტილი მაქვს. აღარ შემწევს უნარი, კიდევ ერთხელ გავითავისო ამდენი ადამიანის პრობლემა.“ - აცხადებს ლელა ქელბაქიანი.

ლიკა დავითაიანი

რძის ფხვნილისგან დამზადებულ ყველს „ყველი“ აღარ ერქმევა

პირველი ივლისიდან ძალაში შედის საკანონმდებლო მოთხოვნა, რომლის მიხედვითაც დასახლება „ყველი“ შეიძლება ეწოდოს მხოლოდ იმ ნაწარმს, რომელიც მზადდება რძისგან, ასევე არ შეიძლება „კარაქი“ ეწოდოს მცენარეული ცხიმისაგან მომზადებულ პროდუქტს.

„რძისა და რძის ნაწარმის შესახებ ტექნიკურ რეგლამენტში“ შეტანილი ცვლილებებს თანახმად, დაუშვებელია რძის ფხვნილისგან დამზადებული ნაწარმის ეტიკეტზე ტერმინი „ყველი“ გამოყენება. აგრეთვე ცვლილებები შეეხო „შემცირებული ცხიმოვანობის მქონე კარაქის“ განმარტებას. აღნიშნული დასახლების გამოყენება შესაძლებელი იქნება კარაქზე, რომელშიც რძის ცხიმის შემცველობა არანაკლებ 39%-ს და არაუმეტეს 79%-ს შეადგენს. ამასთან ძალაში რჩება რეგლამენტის მოთხოვნა, რომ დაუშვებელია, ეტიკეტზე ტერმინი - „კარაქის“ გამოყენება, მათ შორის, ბიზნესსოპერატორის საფორმო დასახელებაში, თუ პროდუქტის წარმოებისათვის გამოყენებულია მცენარეული ცხიმი ან სხვა ცხიმი, გარდა რძის ცხიმისა. ბიზნესსოპერატორის მიერ აღნიშნული დადგენილებით განსაზღვრულ მოთხოვნებთან შესაბამისად გამოიწვევს მათ დაჯარიმებას 400 ლარის ოდენობით, იგივე ქმედება, ჩადენილი განმეორებით 1 წლის განმავლობაში 1200 ლარის ოდენობის ჯარიმას ითვალისწინებს.



ქართველი ჟურნალისტები პრემიერმინისტრთან შეხვედრას ითხოვენ, აფგან მუხთარლის საქმესთან დაკავშირებით

სოციალურ ქსელში გროვდება ჟურნალისტების ინტერნეტხელმოწერები, პრემიერმინისტრთან შეხვედრისათვის. გთავაზობთ ამ განცხადებას:

საქართველოდან გატაცებული და აზერბაიჯანში დაპატიმრებული აზერბაიჯანელი ჟურნალისტის, აფგან მუხთარლის საქმეზე 15 ივნისს ევროპარლამენტში დებატები გაიმართა, რის შემდეგაც დამტკიცეს რეზოლუცია, რომლითაც საქართველოს ხელისუფლებას მოუწოდებენ მუხთარლის გატაცების საქმის დროულად და გამჭვირვალედ გამოძიებისკენ.

ჩვენ, ჟურნალისტები ვგმობთ აზერბაიჯანელი ჟურნალისტისა და აქტივისტის, აფგან მუხთარლის თბილისიდან გატაცების ფაქტს. აფგან მუხთარლის თქმით, ის თბილისის ცენტრიდან გაიტაცეს და გადაიყვანეს აზერბაიჯანში. ამასთან, საგამოძიებო უწყებაში მიყვანისას, მი-

სი ადვოკატის განცხადებით, მას აღენიშნებოდა ფიზიკური დაზიანებები. აზერბაიჯანის ხელისუფლებამ აფგან მუხთარლის ბრალი საზღვრის უკანონო კვეთისთვის, კონტრაბანდის გადატანისთვის და სახელმწიფო მოხელისთვის წინააღმდეგობის გაწვევისთვის წაუყენა.

ჩვენ ვმოწოდებთ, რომ აფგან მუხთარლის ჯანრთელობა და სიცოცხლე ამჟამად საფრთხეშია.

აზერბაიჯანელი ჟურნალისტის ოჯახის წევრები აცხადებენ, რომ მის გატაცებაში მონაწილეობდნენ ქართული სპეცსამსახურის წარმომადგენლები. თავად მუხთარლიმ ადვოკატს განუცხადა, რომ გამტაცებლები საუბრობდნენ ქართულად და ეცვათ საქართველოს კრიმინალური პოლიციის ფორმები.

ეს ფაქტები არა მარტო დიდ ზიანს აყენებს ჩვენი ქვეყნის იმიჯს, არამედ მნიშვნელოვნად აუარესებს ადამიანის



აფგან მუხთარლი

უფლებების დაცვის ხარისხს საქართველოში.

ევროპარლამენტარები, საერთაშორისო უფლებადამცველი ორგანიზაციები და ჟურნალისტები სხვადასხვა ქვეყნიდან მოუწოდებენ საქართველოს მთავრობას, დროულად, ეფექტურად და გამჭვირვა-

ლედ გამოძიოს ეს ფაქტი. გამოძიება კი ჰიანურდება. უფრო მეტიც, აფგან მუხთარლის ადვოკატის განცხადებით, საქმის მასალებში არ არის გატაცების ადგილიდან ამოღებული ვიდეომასალები, ხოლო გამოძიებელი ჟურნალისტების ინფორმაციით, შემთხვევის

ადგილზე სათვალთვალო კამერებიდან ამოღებული ვიდეომასალები დაზიანებულია.

ჩვენ დამედვე ვერ მივიღეთ დამაჯერებელი და არგუმენტირებული ინფორმაცია საგამოძიებო უწყებიდან, თუ როგორ გაუჩინარდა აზერბაიჯანელი ჟურნალისტი თბილისის ცენტრიდან და გადაკვეთა საზღვარი პასპორტის გარეშე?

ამ კითხვებზე პასუხებს ჟურნალისტები ვითხოვთ უკვე მე-17 დღეა. ჩვენ, ვითხოვთ აფგან მუხთარლის საქმის დროულ და გამჭვირვალედ გამოძიებას. გამოძიების პროცესში მოპოვებული მასალის გასაჯაროებას, საპარლამენტო საგამოძიებო კომისიის შექმნას.

ბატონო პრემიერო, ჩვენ, ჟურნალისტები, ვითხოვთ თქვენთან შეხვედრას, რათა ამ საკითხებზე მივიღოთ შესაბამისი ინფორმაცია.



# ბექა ნაცვლიშვილი: „უნდა განვსაზღვროთ, როგორ ავითვისოთ ჩვენი ქვეყნის მოქალაქეების კეთილდღეობისთვის მიწა მაქსიმალურად ეფექტიანად“

„სასოფლო-სამეურნეო დანიშნულების მიწის საკუთრების შესახებ“ კანონში დაგეგმილი ცვლილების დაჩქარებული წესით განხილვისას, ფრაქცია „ქართული ოცნება სოციალ-დემოკრატების“ მდივანმა ბექა ნაცვლიშვილმა სიტყვით გამოსვლისას განაცხადა, რომ უცხოელებზე მიწის გადაცემის შესაძლებლობაზე მორატორიუმის გამოცხადებას არათუ მხარს უჭერენ, შეზღუდვა უნდა დაწესდეს ისეთი, რომ ქვეყანა ყველანაირი რისკებისგან იყოს დაცული. სწორედ ამიტომ უნდა ჩაიწეროს კონსტიტუციაში მიწის უცხოელებზე გაყიდვის აკრძალვა, რათა შემდგომში, ნეოლიბერალური ან რადიკალური ლიბერალური ძალის ხელისუფლებაში მოსვლის შემთხვევაში, ეს განსაკუთრებული მნიშვნელობის რესურსი დაცული იყოს.

„სასოფლო ტენდენციას თუ დავაკვირდებით, ჩვენ ვხედავთ რამდენად იზრდება მოსახლეობის რაოდენობა, რამდენად მცირდება ათვისებადი მიწის რაოდენობა და რამდენად მაღალია იმის ალბათობა, რომ რაღაც კულტურებზე, შემდგომში შეიქმნას დეფიციტი. ამისგან ჩვენ დაზღვეული უნდა ვიყოთ. მით უმეტეს, გვაქვს საშუალება, ჩვენი ქვეყნის მოსახლეობა ჯანმრთელი საკვებით უზრუნველვყოთ და არა გენმოდირებული საკვებით გამოვკვებოთ. ამიტომ, მიწის საკითხი დავაგვირგებელია უპირველეს ყოვლისა სასურსათო უსაფრთხოებასთან“ - აცხადებს ნაცვლიშვილი, რომლის აზრით, ტრაგედიაა, როდესაც ანდაცვა და განათლება საბაზრო პროდუქტია: „ითქვამს, რომ ადამიანს უნდა ჰქონდეს თავისუფლება, მიწა, როგორც საბაზრო პროდუქტი, გაცვალოს განათლებაზე, ანდაცვაზე და ა.შ. სწორედ ეს არის ტრაგედია, რომ ჯანდაცვა და განათლება საბაზრო პროდუქტია. სწორედ ეს არის ბოროტება, რომ ადამიანი შეიძლება დადგეს გადაწყვეტილების წინაშე გაასხვისოს მიწა და გაიკეთოს ოპერაცია თუ გაასხვისოს

სის მიწა და შეიღოს განათლება მიაღებინოს“ - აცხადებს ფრაქცია „ქართული ოცნება სოციალ-დემოკრატების“ მდივანი და მიაჩნია, რომ ამ ეტაპზე საუბარი უნდა იყოს არა უცხოელებზე მიწის გაყიდვაზე, არამედ მიწის რაციონალურად განკარგვაზე. მით უმეტეს, ქვეყანას ჯერჯერობით არც მიწა აქვს აღრიცხული, არც ბალანსი დადგენილი და ზოგადად, არ იცის რა ტიპის მიწა გააჩნია. ამასთან, გასათვალისწინებელია, ისიც, რომ შრომისუნარიანი მოსახლეობის 47: სოფლად ცხოვრობს და სასოფლო-ეკონომიკური ტენდენციების გათვალისწინებით, აუცილებელია განსაზღვრა, რომელმა ეკონომიკურმა სექტორმა მოახდინოს ამ სამუშაო ძალის აბზორბაცია: „ამიტომ, უპირველეს ყოვლისა, რეგულაცია საჭიროა იმისთვის რომ განვსაზღვროთ როგორ ავითვისოთ ჩვენი ქვეყნის მოქალაქეების კეთილდღეობისთვის მიწა მაქსიმალურად ეფექტიანად. უნდა გავაკეთოთ კოორდინაციები და შესაბამისად, თუ პირდაპირი უცხოური ინვესტიციების ფეტიში გვაქვს, მაშინ, როდესაც ყველა ქვეყანა ახდენს



პირდაპირი უცხოური ინვესტიციების მიზანმიმართულ განაწილებას, მივიზიდოთ პირდაპირი უცხოური ინვესტიციები არა მიწის გაყიდვაში, არამედ გადაამუშავებულ მრეწველობაში. ეს იმიტომ, რომ გადაამუშავებული პროდუქტი გაცილებით მაღალი დამატებული ღირებულების შემქმნელია, ვიდრე უბრალოდ რომელიმე კულტურის

მოყვანა“. მიწა არის განსაკუთრებული მნიშვნელობის რესურსი, არამარტო იმიტომ რომ ამოწურვადია, არამედ იმიტომ რომ ის ჩვენ დაგვცხადებს. ის არ არის რომელიმე ადამიანის შემოქმედების შედეგი, ის არ ექვემდებარება არც ტექნოლოგიურ მოდიფიკაციას. შესაბამისად, მიწის ფლობა, უპირველეს ყოვლისა, არ

არის ინდივიდის უფლება, არამედ ეს არის პასუხისმგებლობა და სახელმწიფოს განსაკუთრებული რეგულირების გარეშე, ამ პასუხისმგებლობას ვერცერთი ინდივიდი ვერ განახორციელებს. მიწას სწორედ ამიტომ ესაჭიროება განსაკუთრებული რეგულირება“ - განაცხადა ნაცვლიშვილმა.

# პარლამენტმა ვაზისა და ღვინის შესახებ კანონში ცვლილებები დაამტკიცა

ქვეყნის უმაღლესმა საკანონმდებლო ორგანომ მესამე – საბოლოო მოსმენით მიიღო კანონპროექტი „ვაზისა და ღვინის შესახებ“ კანონში ცვლილებები დაამტკიცა.

აგრარულ საკითხთა კომიტეტის თავმჯდომარის, ოთარ დანელიას შეფასებით, კანონპროექტის მიღება მნიშვნელოვანია საქართველოში მევენახეობა-მეღვინეობის, როგორც ქვეყნის ისტორიულად, კულტურულად და ეკონომიკურად პრიორიტეტული დარგის განვითარებისთვის. „მევენახეობა-მეღვინეობა სახელმწიფოს მიერ ქვეყნის ეკონომიკის პრიორიტეტულ დარგებს შორის დღეს უკვე ერთმნიშვნელოვნადაა აღიარებული და კონკურენტუნარიანი ღვინის წარმოებისა და რეალიზაციისათვის. აუცილებელი გახდა ადგილობრივი და საერთაშორისო ბაზრების მოთხოვნათა გათვალისწინება და ამის შესაბამისი საკანონმდებლო ბაზის შემუშავება. კანონპროექტის მიღება ხელს შეუწყობს, ქართული ღვინის ხარისხის ამაღლებას. ასევე, გამოიწვევს უცხოური ბაზრების დაინტერესებას და ჩვენს ქვეყანას მაღალხარისხიანი ღვინის მწარმოებლის რეპუტაციას შეუქმნის“, - განაცხადა ოთარ დანელიამ. „ვაზისა და ღვინის შესახებ“ კანონი 1998 წელს არის მიღებული და მასში მნიშვნელოვანი ცვლილება 2002 წლის შემდეგ არ შესულა. როგორც კომიტეტის თავმჯდომარემ აღნიშნა, სხვა ცვლილებებთან ერთად, საჭირო

იყო ტერმინოლოგიის ევროკავშირისა და მევენახეობა-მეღვინეობის საერთაშორისო ორგანიზაციის (OIV) კანონმდებლობასთან შესაბამისობის უზრუნველყოფაც. კანონის დამატება ისეთი ტერმინები, როგორცაა „ქვეყნის ღვინო“, „ქარვისფერი ღვინო“, „აისვანი“, „ვაზის გენეტიკური რესურსები“ და სხვა. შინაარსობრივად დაიხვეწა (ტექნიკურად დამუშავდა) ის განმარტებები, რომლებიც კანონის ცალკეული დებულებების ორმაგი ინტერპრეტაციის საშუალებას იძლეოდნენ. კანონიდან ამოღებულ იქნა საკმაოდ მოძველებული ტერმინი – „ვაზის ჯიშების სტანდარტული ასორტიმენტი“ და შემოვიდა „სამრეწველოდ ნებადართული ჯიშების ჩამონათვალი“, ზონებისა და ქვეზონების მიხედვით დადგინდება „რეკომენდირებული ვაზის ჯიშების“ ჩამონათვალი. ასევე დადგინდა ვენახის კატეგორიები, ახლებურად განისაზღვრა სპირტიანი სასმელების კატეგორიები და მათი წარმოების წესი. ოთარ დანელიას განცხადებით, მოქმედ კანონში განხორციელებული ცვლილებები დარგში სახელმწიფო პოლიტიკის გატარებას შეუწყობს ხელს. აგრარულ საკითხთა კომიტეტის თავმჯდომარის ინფორმაციით, სულ უფრო იზრდება ღვინის ექსპორტი, რის შესახებ სტატისტიკაც მეტყველებს: 2017 წლის იანვარ-მაისის მონაცემებით, მსოფლიოს 41 ქვეყანაში საქართველოდან ექსპორტი-



რებულია 25 მილიონამდე ბოთლი ღვინო, რაც გასული წლის ანალოგიურ პერიოდს 64%-ით აღემატება. საანგარიშო პერიოდში ექსპორტირებულია 55 მილიონ აშშ დოლარზე

მეტე ღირებულების ღვინო, რაც ასევე 58%-ით მეტია ვიდრე 2016 წლის ანალოგიურ პერიოდში. ექსპორტის განსაკუთრებული მატება შეინიშნება ჩინეთში, უკრაინაში, პოლონეთში,

ბელარუსში, ლატვიაში, აშშ-ში, გერმანიაში, ხოლო საფრანგეთში ქართული ღვინის ექსპორტი თითქმის 5-ჯერაა გაზარდილი.